

卷五目次

木部

香木一十八種

柏子仁

一

合柏葉

松脂

二合松節  
松黃

肉桂

三合桂心  
桂枝

辛夷

四

沉香

五

丁香

六

檀香

七

降真香

八

烏藥

九

乳香

十

沒藥

十一

血竭

十二

安息香

十三

蘇合香

十四

龍腦香

十五

樟腦

十六

阿魏

十七

盧會

十八

喬木一十八種

黃柏 一  
厚朴 二

杜仲 三

椿根皮 四  
合樗根皮 五  
乾漆 五

海桐皮 六

苦練子 七  
合棟根 八  
槐花 八  
合槐實 八

秦皮 九

合歡皮 十  
皂莢 十一  
合莢 十一  
仁莢刺 十一

訶黎勒 十二

榆白皮 十三  
蕪荑 十四

蘇木 十五

欒櫚 十六  
巴豆 十七  
并巴豆油 十七

大風子 十八

灌木一十八種

桑皮 一  
合桑椹 一  
桑枝桑葉 二  
楮實 二

枳實 三  
合枳殼 三

山梔 四

酸棗仁 五

蕤仁 六

山茱萸 七

金櫻子 八

郁李仁 九

女貞實 十

附冬青

南燭枝葉 十一

五加皮 十二

枸杞子 十三

合地骨皮

蔓荊子 十四

紫荊皮 十五

木槿 十六

芙蓉葉 十七

密蒙花 十八

寓木五種

赤白茯苓 一

合茯神

琥珀 二

豬苓 三

雷丸 四

桑寄生 五

苞木三種

竹葉一合竹茹一天竺黃二

雜木無載

本草彙箋卷五

毘陵顧元交述

木部依舊本分香喬灌寓苞雜六類

柏子仁

香木之一  
合劍柏葉

柏字從白西方木也。凡木皆東向。而柏獨西指。得陰氣最厚。其子生於樹杪。含蓄精粹。氣香透心。體潤滋腎。同茯神。棗仁。生地。麥冬。主治腎陰虧損。其味甘亦能緩肝。故王板。枸杞。牛膝。主治腎陰虧損。其味甘亦能緩肝。故王

好古以爲肝經氣分之藥。其葉苦澀。最清血分。故吐衄崩痢者。需之。採隨時令。如春採東。夏採南之類。或云當年新抽者更佳。焙乾點湯。以代茶飲。過飲亦能傷胃。仁則體性多油。腸滑作瀉。及膈間多痰者。禁用。

松脂

香木之二  
合松節松黃

松與柏皆凌霜不凋。而柏屬陰。松屬陽。松脂則又樹之津液流注。而得乎火土之化。故其味苦而兼甘。氣溫性燥。甘溫與脾部相宜。主除胃中伏熱。咽乾消渴之症。燥則除濕散風寒。苦而燥。又能殺蟲也。松節

堅氣勁。炒焦。治筋骨間病。能燥血中之濕。松黃卽花上黃粉。有除風止血之能。故頭風及下痢每用之。

附松烟墨。凡血症汜溢妄行。須燒松薰烟所作之墨。世所貨賣爲中下之品者。皆是若油烟則爲上品。反不宜於入藥也。水研服能止血。酒研溫服能行血。童便研則涼血。

婦人白帶。用松香五兩。酒二觔。煮乾。木白杵細。酒糊丸。如梧子大。每服溫酒送下百丸。

歷節風痛。四肢如解脫者。松節三十觔。酒五斗。浸

三七日。每服一合。日五六服。

頭旋腦痛。三月收松花並臺如鼠尾者。蒸切一升。生絹囊浸酒三升。過五日。每空心煖飲五合。

自盜汗。百藥不效者。松香煑過六兩。熟地黃烏梅肉各四兩。先搗爛。和松香爲丸。滾水送下。屢驗。

肉桂

香木之三  
合桂心桂枝

肉桂色紫而厚。行下焦補命門之不足。益火消陰。雖云春夏之禁藥。而真陽虛者。勿論也。蓋凡木葉心皆一縱理。獨桂有兩道如圭形。此亦奇。中有偶陽。中有



陰故能行兩腎之間。宣通滯氣。脈弦用建中湯者。又取其有殺肝之義。昔人有患眼赤腫痛。而脾虛不能飲食者。肝脈盛。脾脈弱。用涼肝則脾愈。虛用煖脾則肝益旺。但於溫平藥中。倍加肉桂。殺肝而益脾。一治兩得之。傳云。木得桂而枯。是也。正與別錄。桂利肝肺氣。牡桂治脇痛。脇風之意相符。又桂性辛散。破血。能通子宮。故力能墮胎。而炒用則無妨。至如一切血症。之因於熱。或大便熱結。或肺熱咳嗽。及產後血虛發熱。或經行血熱先期。或卽後期。而因於陰虛內熱。經

閉。或血熱經行作痛。或小兒痘瘡。因血熱乾枯黑陷。此等誤投。禍不旋踵。

桂心卽肉桂去外粗皮及內薄皮。取心中味最辛者。主治中焦心。疼。腹冷。諸疾。

桂枝取枝上。皮薄而味淡。輕浮上行。故能止煩出汗。而張仲景治傷寒有當發汗。凡數處皆用桂枝湯。狀又云無汗不得服桂枝。汗家不得重發汗。又汗多者用桂枝甘草湯。是又用桂枝止汗也。此等淆訛之說。不可不辨。蓋桂枝辛甘大熱。能宣導百藥。通血脈。六

陽中風營弱衛強。強者風邪中於衛氣而強也。桂枝調其營氣。則衛氣亦和。邪無所容。故自汗而解。解則汗止。出汗止汗。無二義也。無汗不得服桂枝。蓋麻黃症也。汗家不得重發汗。不得再用麻黃湯也。大抵辛專主散。肉桂大辛。辛能散結。故有通經逐瘀之能。桂枝辛甘。辛能解肌。甘能實表。故治風傷衛氣。又辛則橫行。桂枝味薄。專行上部。肩臂治痛。風能領藥。至痛處。以除肢節間痰凝血滯。

十全大補湯兼補氣血兩虛。伊尹古方用四君補

氣加木香不使上焦氣滯。四物補血加沉香不使下焦血滯。上古氣血皆厚。故用二香補而兼之以疎通。若近世之人。氣血單薄。故東垣以黃芪代木香。更益上焦之氣。以肉桂代沉香。溫煖陰血而使之發生也。

中風口喎。以桂心酒煮取汁布蘸左喎塗右右喎塗左。

死胎不下。肉桂朴硝當歸酒煎服。又方以桂末二錢待痛緊時以童便溫熱調下。亦治產難。又肉桂

同當歸牛膝治冬月難產產門交骨不開又同蒲黃黑豆澤蘭益母草紅花牛膝生地當歸治產後少腹兒枕作痛甚則加乳香沒藥。

辛夷

香木之四

辛夷辛溫走氣而入肺其體輕浮能助胃中清陽上行所以能溫中治頭面目鼻九竅之症狀其辛香走竅凡鼻塞屬於虛人頭面屬血虛火熾者不宜服用宜去心及外毛毛射人肺令人欬。

沉香

香木之五

沉香純陽而升。體重而沉。味辛走散。氣雄橫行。故治胸背四肢諸痛。及皮膚作癢。且香能溫養臟腑。保和衛氣。若寒濕滯於下部。以此佐舒經藥。驅逐邪氣。若跌撲損傷。以此佐活血藥。定痛散瘀。蓋雖云氣分之藥。而血隨氣行。以之疏通經絡。則血滯亦從之而去。至其性沉。專補右腎命門相火。用以納氣歸元。固爲聖劑。又云血虛不用沉香。爲其香劑多燥。未免傷血。必下焦虛寒者宜之。若水臆衰微。相火炎盛者。故不宜用。

時珍云。咀嚼香甜者性平。辛辣者性熱。

丁香 香木之六

丁香煖胃。治嘔呃脹滿之。因於寒者。若係火呃。召禍  
匪輕。陶節菴云。丁香得柿蒂。乾薑則止呃。蓋指胃寒  
之呃耳。

此有二種。雄者顆小。雌者大如山茱萸。又名雞舌。  
入藥最勝。大明以丁香能治口氣。而朱震亨乃云。  
口居上地。氣出焉。脾有鬱火。溢入肺中。失其清和  
之意。而濁氣上行。發爲口氣。若以丁香治之。是揚

湯止沸耳。惟香薰治之甚捷。

烏鬚方以雞舌香同薑汁塗拔去白鬚孔中卽生黑。大有奇驗。

檀香 香木之七

檀香理上焦氣。主胸膈咽嗑之間。時珍云白旃檀。辛溫。氣分之藥。理衛氣而調脾肺。利胸膈。紫檀。鹹寒。血分之藥。和營氣而消腫毒。治金瘡。

降真香 香木之八

降真香。香中之清烈者也。故能辟一切惡氣不祥。以



番舶來者色鮮紅香氣甜而不辣入藥殊勝色深紫者不良上部傷瘀停積胸膈按之痛或并脇肋痛此吐血候也急以真降香刮末入藥煎服之。

紫金散治金瘡卽紫藤香之最佳者瓷鋒刮下研末用。昔周琮被海寇刀傷血出不止筋如斷骨如折用花蕊石散不效。軍士進前散掩之血止痛定。明日結痂遂愈且無癥痕。

烏藥 香木之九

烏藥味辛而薄性熱而散氣勝於味佐香附治婦人

諸般氣證。用於風藥。以氣順而風自疎。用於脈滿。及氣阻。或腹疼等證。總取其疏氣散寒。倘若陰虛內熱之病。豈宜輕用。

烏沉散。治一切氣一切冷。調中壯陽。暖腰膝。去冷風麻痺。膀胱間冷氣。攻衝背脊。俛仰不利。風水毒腫。吐瀉轉筋。癢癢刺痛。婦人血氣痛。用天台烏藥十兩。沉香五兩。人參三錢。炙甘草四錢。爲末。每服五分。薑鹽湯空心煎服。

小腸疝氣。烏藥一兩。升麻八錢。水二鍾煎。一鍾露。

一宿空心熱服。昔慎柔治疝氣撐上者。烏藥一兩。升麻五錢。墜下者。升麻一兩。烏藥五錢。孕中有癰。烏藥嫩白香辣者五錢。水一盞。牛皮膠一片。同煎七分溫服。

乳香

香木之十

乳香香竄入手。少陰經活血定痛。經云諸痛癢瘡皆屬心火是也。產科諸方亦多用。以活血。抱朴子云。浮炎洲在南海中。出薰陸香。乃樹有傷穿。木膠流墮。夷人采之。恒患狢獬獸啖之。此獸斫刺不死。以杖撲之。

皮不傷而骨碎乃死。觀此則乳香之治折傷不但血止痛亦。其性狀也。楊清叟云。凡人筋曲不伸。敷藥宜加乳香。其性能伸筋。

內托護心丹。用菘豆粉淨末一兩。加硃砂二錢半。乳香一錢半。每服三錢。新汲水濃調。食後服。蓋乳香香徹滂孔中。能使毒氣外出不致內攻。

漏瘡膿血。以白乳香三錢。牡蠣粉一錢。爲末。雪糕。尤麻子大。每薑湯服三十丸。

沒藥 香木之十一

沒藥善通壅滯。與乳香相需而用。乳香活血而沒藥散血也。又乳香氣厚味薄。陽也。入氣分。沒藥氣薄味厚。陰也。入血分。乳香微溫。沒藥微寒。寒能除熱。水屬陰。血亦屬陰。以類相從。故能入血分散瘀治熱。

今廣州亦有之。木類橄欖。歲久脂溢下地成塊。色黑而香。狀似安息。市肆多以松脂瀝青僞作之。

血竭 香木之十二

血竭乃騏驎木之脂。產外國。難得真者。其味甘鹹。走血除痛。日華子云。諸瘡久不合。宜血竭主之。狀此藥

性急不宜多使。多則引膿。

安息香

香木之十三

安息香功主辟邪。故主治惡氣鬼疰。出安息國之樹脂也。或言燒之能集鼠者真。

蘇合香

香木之十四

蘇合香出中天竺國。諸香汁合成。凡香氣皆能辟邪。通竅。况合衆香而成者乎。

音蘇

蘇合油如麝膠。以筋挑起懸絲不斷者真也。俗傳爲獅子矢。蓋胡人欲貴重之。故妄飾其名耳。

蘇合丸治傳尸骨蒸殭瘧肺痿疰忤鬼氣卒心痛  
霍亂吐利時氣鬼魅瘴瘧赤白暴痢瘀血月閉瘵  
癰丁腫小兒驚癇大人中風中氣等症。每蘇合油  
一兩。以無灰酒熬成膏。入蘇合油內。白朮香附青  
木香白檀香沈香丁香麝香畢撥訶黎勒煨去核  
硃砂烏犀角鎊各二兩。龍腦安息各一兩爲末。以  
香膏加辣蜜和成劑蠟紙包收。每服旋丸梧子大。  
早辰取井花水溫冷任意化服四丸。老人小兒一  
丸。

龍腦香

香木之十五

龍腦香以白瑩如冰及作梅花片者爲最大能通利  
關隔熱塞大人小兒風涎壅閉不因於氣血虛而得  
於外來之風邪者用之甚奏速效王綸云冰片大辛  
善走故能散熱利結目痛喉痺下疳諸方多用之者  
取其辛而散也世人誤以爲寒不知其辛極似寒涼  
耳諸香皆屬陽豈有香之至者而性反寒乎又龍腦  
香能入骨風病在骨髓者或宜用之若在血脈肌肉  
輒用腦麝反引風入骨矣慎之



今南海深山窮谷亦有之。樹名波律。又名固不婆。律高七八丈。大六七圍。多歷年歲者。風清月朗。或噴香若霏雪。繽紛木上。先其時佈帛。樹底驚之。令墮。形如蝴蝶。此爲上乘。斷其樹。濕時無香。乾之。循理而析。狀類雲母。或解木作板。香溢縫間。劈而取之。大者成片。如花瓣。小者成粒。爲米腦。米腦不及成片者。氣力全備。

樟腦 香木之十六

樟腦純陽。與焰硝同性。水中生火。其焰益熾。其辛熱。

香竄獨長於去濕殺蟲。

其升煉法具綱目。市人以之亂冰腦。

阿魏 香木之十七

阿魏乃阿虞木之脂。體性極臭而能止臭。亦奇物也。其辛熱之性與胃腑相宜。故主用破癥瘕。下惡氣。殺諸細蟲。兼治霍亂腹疼。瘰癧。蓋諸症亦多起於積滯也。

阿魏無真言多僞也。試法或以半銖置熟銅器中。經宿。着處永如銀色。或以一銖入五斗草自馱汁。

內次早盡變鮮血色或以一銖致柚子樹上其樹立乾

治痞積以阿魏五錢五靈脂五錢炒烟盡爲末以黃雄狗膽汁和丸黍米大空心津嚥二十九忌羊肉醋麪其積卽從大便出

痞積膏歸尾紅花桃仁山稜蓬朮枳實山查檳榔草菓蘇木南星半夏川烏草烏厚朴軍姜青皮赤芍烏藥牙皂防風荆芥獨活防已肉桂白芥子玄胡索山慈姑五靈脂鴿糞各等分惟歸尾倍之配

准一觔麻油三觔入鍋浸六七日熬至藥枯黑  
查每淨油一觔加炒過黃丹八兩再熬看老嫩成  
膏用時先將阿魏一兩切片酒漿浸一宿隔湯頓  
焯和膏一觔用狗皮攤二文錢厚貼患上漸消

蘆薈 香木之十八

蘆薈與阿魏他本皆入草部豈皆木質而草形者耶  
按蘆薈狀如黑錫亦樹脂耳味苦如膽入厥陰經其  
功專於殺蟲清熱故諸疔用之

蘆薈消疔丸治小兒傷食泄瀉肚大青筋復長

胸痛突骨。高手足細小。用蘆薈、蕪荑各二錢，草龍膽四兩，木香二錢，桔梗五錢，川連四兩，史君子肉二兩半，檳榔五錢，蟬脫十一枚，去嘴足，洗去土，京墨五錢，炒去烟，大蛇蟬腿肉瓦上焙乾，二兩，白巴豆二百粒，去油爲霜，絹包放諸藥中，煮乾去巴霜，不用借氣耳。右爲末，入香油四兩，米醋一碗，建豬膽五枚，同浸一宿，次日入水二碗，文武火熬乾，不住手，剗勿令焦，再略焙乾，研細，又入輕粉一錢，青黛飛過五錢，丹研勻，用白麩作餅，火煨至香熟，入

鍋煮爛取出搗糊。麝香絞去漿和丸如黍米大每服十五丸空心米飲下此秘方。

五寶丹專治小兒結核。蘆薈一兩。明礬二兩。貝母及乳香沒藥各五錢爲末。川黃蠟二兩熔化加白蜜二兩攪勻稍冷入前末丸如芥子大空心白沸湯送下二錢。臨睡酒下一錢。蓋瘰癧爲勞病之標。大人小兒皆狀。故此方半從瘰治。所謂勞病還從瘰病醫也。此亦秘方。

右香木一十八種

黃蘗 喬木之一

黃蘗樹高數丈。其皮自上直下。味苦入骨。是以降火。能自頂至踵。淪膚徹髓。無不週到。其專瀉腎與膀胱之火者。以陰入陰。故能清以下。泛上之陰火。火清而水自堅也。宜鹽水製。令入腎。若用蜜湯拌炒。則能戀膈而不速下。以治五心煩熱。目痛。口瘡。諸症。單炒。褐色。則治腸紅痔漏。遺精白濁。濕熱黃疸。及膀胱熱。臍內痛等症。酒炒。合四物。領入血分。則能治骨節走痛。足膝酸軟無力。遍身惡瘡。及脚氣。攻冲嘔逆。惡心。陰

虛血熱火起於足者。狀大。據陰寒之品。有妨脾胃。若脾虛作泄諸症。縱外顯虛火。法宜忌之。

厚朴 喬木之二

厚朴辛溫。能散去寒濕之邪。帶苦能降泄腸胃之實。若胸腹脹滿。鬱而不散。食積於胃。羈而不行。非此不能條達舒暢。故用治痞悶。噎氣吞酸。嘈噦嘔吐。同解散肌表之藥。却衛氣之有餘。助分理陰陽之劑。清大腸之多阻。但瀉而腹痛。有積滯者。用之爲宜。若暴瀉如水。滑瀉無度者。腸胃已虛。忌此辛散。故東垣論平



胃散云平者。迺蕩平削平之平。非平和之平也。其曰厚腸胃者。亦積滯消而腸胃自厚。豈真有補益之功歟。

腸風宜用厚朴煎。厚朴五兩。同生姜五兩。搗爛。拌炒黃色。白朮麥芽神麴各一兩。同炒黃。研末。水糊丸。梧子大。每米飲下百丸。按此症腸胃本無血緣。氣虛而腸薄。自榮衛滲入。服藥令邪氣去。則正氣自益。而腸胃自厚。故云厚朴厚腸胃耳。

杜仲

喬木之三

杜仲味苦能堅腎氣。故主治腰脊脚膝諸症。又折之有絲。其象爲筋。故又能補肝虛。使筋骨相縛。凡產後交骨不合。及胎產調理跌撲損傷者。多用之。所謂合筋骨之離。莫如杜仲。杜仲主下部氣分。牛膝主下部血分。用每相須。

腎虛腰痛。用杜仲去皮酥炙黃一觔。分十劑。每夜取一劑。水浸一宿。煎取汁。以羊腎三四枚切片同煮三四沸。和椒鹽空腹頓服。如風冷傷腎腰背虛痛者。亦用杜仲一觔切炒。漬酒三升。過數日日服。

三合又方爲末每旦以溫酒服二錢蓋杜仲治腰膝痛以酒行之則爲效神速

頻慣墮胎或三四月卽墮者於兩月前以杜仲八兩糯米煎湯浸透炒去絲續斷二兩酒浸焙乾共爲末以山藥五六兩爲末作糊丸如梧子大每服五十丸空心米飲下蓋妊婦包繫於腎故胎氣不安必需杜仲

椿根白皮 喬木之四  
合樗根皮

椿香樗臭一物二種椿皮入血分而性溫樗皮夫

分而性利。其用則殊。故樗皮利溈澀。椿皮得地榆止  
疳痢也。二根俱須東行者。並刮去麤皮。陰乾切焙用。  
椿葉初發新嫩者。連枝可食。木亦堅實。可任棟梁。  
樗則虛木。爪之腐朽。莊子所云其木擁腫不中繩。  
墨小枝曲拳不中規矩是也。

乾漆 喬木之五

乾漆。削年深堅結之積滯。破日久凝固之瘀血。蓋辛  
溫。能散結而兼鹹味。能入血分。又性能殺蟲。蟲者腸  
胃鬱熱所成。久則五臟六腑皆受病。而癱瘓拘攣。

症所自來也。用乾漆以殺蟲，逐滯令腸胃清，而五藏自安。痿緩痺急之症，調矣。

入藥宜搗碎炒熟。若濕漆炒乾更好。或炒盡烟。

仲景大黃蠱蟲丸。治五勞虛極羸瘦，腹滿不能飲食。內有乾血肌膚甲錯。

紫雲風用乾漆同稀簽葉生地半枝蓮胡麻荆芥何首烏天冬苦參作丸療之。

大麻風用生漆一觔鮮蟹八隻益母草一觔苦參二兩白蒺藜八兩紅棗一觔好酒十八觔熟煮待

冷去查另貯磁瓶服。

海桐皮 喬木之六

海桐皮能行經絡達病所。又入血分。主去風殺蟲。古方多用以浸酒治風歷。

腎臟風毒。攻刺腰膝。痛不可忍者。海桐皮。苡仁。各二兩。牛膝。芎藭。羌活。地骨皮。五加皮。各一兩。甘草半兩。生地黃十兩。並浸洗焙乾。剉細綿裹入無瓦酒二斗。浸冬二七。夏一七日。每早午晚各飲一盞。長令醺狀。禁毒食。此治風濕熱流注下焦腰膝爲

病之聖藥也。若因陰虛血少火熾而得者勿服。

苦練子

喬木之七  
合根

苦練子卽金鈴子。川產者佳。熱厥暴痛非此不除。能導小腸膀胱之熱。引心包相火下行。故心腹痛及疝氣爲要藥。

歲時記言。蛟龍畏楝。故端午日祭屈原以其葉裹粽投江中亦殺蟲之一驗也。其根氣味相同。故亦主殺蟲利大腸。

槐花

喬木之八  
合槐實

槐花二三月萌。蓋四五月開放。生於木而成於火。火性味苦。苦能直下。且味厚能沉。主清腸紅下血痔瘡。腫痛。臟毒淋瀝。此涼血之功。獨在大腸。其能疏皮膚。風熱者。大腸與肺爲表裏。是泄肺金之氣也。

槐實純陰。肝經氣分之藥。治證與桃仁同。其止涎唾。補絕傷者。脾胃有熱。則涎唾多。傷絕之病。其血必熱。至若婦人乳癭之。由於肝家氣結。血熱于藏。急痛之。由於血熱火燥。宜皆用槐實爲除熱散結清火之品。狀則槐實亦血分藥。不獨氣分矣。



按槐爲虛星之精。以十月上巳日採子服之。去百  
病長生通神。又梁書言庾肩吾常服槐實年七十  
餘髮鬢皆黑。目能細書。大抵血涼則髮不白。熱去  
則陰精不損。故日亦明。况原肝經藥也。但如病人  
虛寒脾胃作泄。及陰虛血熱而非實熱者。便宜禁  
之。

有痔及下血。用槐角子入冬月牛膽中漬之。陰乾  
百日。每日吞一粒。予近得驗方。用黑牛膽五枚。俱  
實以槐子陰乾。連膽搗丸。日服一二錢。鹽湯送下。

得愈。按糞前有血名外痔。糞後有血名內痔。大者不收名脫肛。穀道四面弩肉如妳名舉痔。頭上有孔名瘻瘡。內有蟲名蟲痔。前方並治之。

又方槐樹木耳。取末飲方寸匕。日三服。子又有秘方治痔漏。歷驗。內用木耳從肆中市來者。若專用槐耳和入。當更奇驗。

楊梅毒瘡。乃陽明積熱。用槐花四兩略炒。入酒二盞煎十餘沸。熱服。

疔瘡腫毒。但焮痛者。用槐花微炒。桃仁二兩無灰。

酒一鍾煎十餘沸熱服。未成者二三服已成者一  
二服見效。

白帶。槐花炒牡蠣。煨等分爲末。酒服三錢。

秦皮 喬木之九

秦皮色青氣寒味苦性瀼。入肝膽二經。故治目病驚  
癇者取其平木。治下痢崩帶者取其收瀼。又萬畢術  
云。秦皮止水。謂其能收淚也。

合歡皮 喬木之十

合歡氣味甘平。主益脾緩心氣。脾實則五臟自安。心

神舒緩則神明自悅。稽康云。合歡蠲忿。萱草忘憂。崔  
 豹云。欲蠲人之忿。則贈以青裳。青裳卽合歡也。外科  
 與白蠟同入膏用。主消癰。長肌續筋骨。皆取其能補  
 心脾生血脈之功。

皂莢

喬木之十一  
合皂莢仁皂莢刺

皂莢本經用如豬牙者。今醫家作疏風氣。九煎多用  
 長而肥厚多脂者。所用雖殊。性味不遠。大抵其味大  
 辛。主升散。氣雄竅。主利竅。搜痰之快藥也。凡痰在腸  
 胃間。可下而愈。若蓄於胸膈上。則橫入脂膜。膠固稠。

濁以致氣壅喘急甚則悶脹痛齊作能坐而不能服  
以此同海石爲丸少用數丸橫散流痰使漸消化大  
有神功爲稀涎散治中風不省急喉痺塞立能宣去  
頑痰爲急救之良劑

皂角仁和血潤腸能通太陽陽明燥金治大便燥結  
乃辛以潤之之義不止於得濕則滑而已

皂角刺乃質幹之銳者故於瘡癰無所不達其未潰  
者能發竅已潰者能引排膿藥直達膿處成功

皂角須擇肥赤不蛀者水浸一宿銅刀刮去粗皮

蘇炙槌去子弦。

皂角仁。須揀完綻者。水浸軟。煮熟。剝去硬皮。取白肉兩片。去黃銅刀切晒用。

另有一種肥皂莢短而肥澤。本草不言其功。故不錄。

稀涎散。主治卒中風昏昏如醉。形體不收。或口角流涎。斯須不治。便成大症。用大皂莢四挺。去黑皮。明礬一兩。爲末。礬取其分。膈下涎。每用半錢。重者三字。溫水調灌。不大嘔吐。只微微令涎出一升二

升。待其甦醒。乃用藥調治。不可便大吐之。恐過劑傷人也。此惟暴病氣實者用之。若似中風證。由於陰虛火炎煎熬津液。結而爲痰。熱極生風。以致猝仆。世人多以稀涎散吐之。損其不足。竭其津液。津液愈耗。則經絡無以榮養。爲拘攣偏廢之證矣。不可不辨。

二便關格。皂莢燒研。粥飲下三錢立通。

羊頭風證。用皂莢如法製末二兩。明礬研二兩。雌黃二錢。硃砂二錢。以半爲衣。紅棗肉薑汁搗水。

菜豆大量強弱服多寡。又方治一切癩症。皂莢製末二十兩。香附便醋製三兩。遠志肉天冬麥冬各去心各二兩。茯神淨四兩。甘草炙六錢。真蘇子炒研一兩。半夏製二兩。旋覆花一兩半。白芍酒炒沉香各三錢。天竺黃五錢。另研共末和勻。山藥粉糊爲丸。菜豆大。硃砂一兩爲衣。每服三錢。薑汁竹瀝點湯下。

魚口方。用豬牙皂角塗真沙糖瓦上炙脆。石臼內杵末。酒調服四五錢。更多飲助之。毒從大便出。



婦人乳癰。以皂莢穿山甲紫口蛤蜊各煨爲末。等分和勻。酒調服三錢。至三服無不消者。或用細者酒服。粗者菜油調敷。一週時愈。

大麻風。單用皂刺九蒸晒爲末。每服二錢。酒下。服至一二旬。眉髮再生。目明肌潤。

訶黎勒 喬木之十二

訶子味苦而帶酸澁。能降能收。蓋金空則響。肺金受過於火邪。以致火喘咳嗽。或至聲啞。用此降之。斂之。則肺無壅塞。聲音自亮。取其澁可去著。若久瀉久痢。

實邪去而元氣脫者。用此同健脾藥。固澁大腸。瀉  
自止。

以六路文者勝。或多或少。卽爲他種。六路以象肺  
之六葉。

榆白皮 喬木之十三

榆性滑下。主治小便不通。五淋腫滿。喘嗽不眠。經脉  
胎產諸症。十劑云滑可去著。冬葵子榆白皮之屬。取  
其利竅滲濕熱。消留著有形之物。氣盛而壅者宜之。  
若胃寒而虛。不宜久服。滲劑狀荒歲。農人取以爲

代糧食亦未見其損人。

稽康云榆令人瞑初生莢仁作糜羹食令人多睡亦因其滑下之性火氣下降耳。

蕪荑 喬木之十四

蕪荑殺蟲止痛主五內邪氣散皮膚骨節中淫淫若蟲行狀又溫能化食去積凡風寒濕痺大腸冷滑者此爲要藥蓋氣食皆因寒而滯諸蟲皆因濕而生得此溫之燥之而症痊矣。

氣羶者良乃山榆仁也小者卽榆莢。

嬰兒驚瘖。蓋風後失瘖不能言也。肥兒丸用蕪荑炒神麩炒麥蘖炒黃連炒各一錢爲末。猪膽汁打糊丸黍米大。每服十丸。木通湯下。

腹中贅瘕。平時嗜酒。血入於酒爲酒贅。平時多氣血凝於氣爲氣贅。虛癆痢冷敗血雜痰則爲血贅。搖頭掉尾如蟲之行。上侵人咽。下蝕人肛。或附脅背。或隱胸腹。大者如贅。小者如錢。治法惟用蕪荑炒煎服之。兼用煖胃益脾理中之藥。不宜徒事雷

丸錫灰之屬。

蘇方木 喬木之十五

蘇方木俗乎蘇木海島有蘇方國其地產此乃三陰經血分之藥破血之功多和血之功少若產後惡露已盡繇於血虛腹痛者勿亂服之

欒櫚 喬木之十六

欒櫚性澀用年久敗欒燒灰以治失血去多瘀滯已盡者爲宜澀以去脫也與髮灰同用更良如暴血瘀滯方動崩中惡露未竭濕熱下痢初發腸風帶下方熾悉不宜遽用用之亦罔效

欖欄木高一二丈。無枝條。葉大而圓。有如車輪。萃於樹杪。其下有皮。重疊裹之。每皮一匝爲一節。每歲必兩三剝之。皮轉復生。否則樹死或不長也。

巴豆

喬木之十七  
并巴豆油

巴豆生於盛夏。六陽之令而成。於秋金之月。其火烈剛猛之氣。能蕩滌一切有形之積滯。若非沉寒痼積。不宜輕投。如急治。爲水穀道路之需。去皮心膜。油生用之。如緩治。爲消磨結聚之品。宜炒云。烟令紫黑熟用之。狀試以少許擦完好之膚。須臾發泡。况腸胃柔。

脆之質。下咽則徐徐而走。且無論下後。耗損真陰。而臟腑當時已受其熏灼。能保無潰爛之患耶。

不去膜則傷胃。不去心則傷腎。

治膈氣及寬胸化氣寧肺止嗽消痰。每大枳殼一

切。溫水泡軟去穢。每二片入巴豆三粒對紫米醋。

二觔。煑二炷香去豆切片曬乾。香附醋煑四兩。烏

藥蘇子蘿蔔子各四兩共搗碎磨末醋糊丸。梧子

大早晚各服三十九。溫茶送下。

凡老年痰火幼年哮吼。內多寒痰氣不升降。或遇

風寒而發。或過食鹽醬而發。用巴豆去膜去心炒熟。壓去油極淨。三錢。白礪砂枯過三錢。牙皂去皮。弦子炮一兩。杏仁去皮尖炒黃色一兩。淡豆豉二兩。水拌蒸和勻。搗丸。菜豆大。每服六七十丸。食遠。臨睡白湯送下。立效。

痢疾丹。巴霜淨一錢。乳香沒藥各去油三錢。杏仁二十一粒去油。黃占一兩二錢。先化黃占。離火少頃。入前末丸如粗豆大。每服一九。紅痢甘草湯下。白痢淡鹽湯下。如不愈再一九以三九爲率。



漏方香油半觔。巴豆肉。草麻子肉各二兩。同熬至藥枯。濾清再熬。以香膠四兩收之。作膏貼患上。吸盡膿水。并管俱化盡而愈。

巴豆油。主治中風痰厥。中惡喉痺。一切急病。咽喉不通。牙關緊閉。以研爛巴豆綿紙包壓取油。作撇點燈吹滅。熏鼻中。或用熱烟刺入喉內。卽時出涎。或惡血便甦。

大風子 喬木之十八

大風子以其能治大風疾。故名。粗江以治大風者佐。

以○大○風○子○油○不○知○此○物○性○熱○有○燥○痰○之○功○而○傷○血○至○  
有○病○將○愈○而○目○先○失○明○者○狀○以○之○外○塗○治○風○癬○疥○癩○  
殺○蟲○劫○毒○乃○其○所○長○

右喬木一十八種

桑白皮

灌木之一  
合桑椹桑葉桑枝

桑○乃○箕○星○之○精○其○根○白○皮○皮○主○疏○散○體○輕○色○白○專○入○  
肺○經○疏○氣○定○喘○是○其○職○司○凡○肺○中○有○水○氣○及○肺○火○有○  
餘○者○宜○之○十○劑○云○燥○可○去○濕○桑○白○皮○赤○小○豆○之○屬○是○  
也○又○皮○主○走○表○以○此○治○皮○裏○膜○外○水○氣○浮○腫○及○皮○膚○

邪熱浮風燥癢悉能去之。若咳嗽因於寒襲而無火者遂不宜用。

桑椹單食止消渴。解酒毒。釀酒服。利水氣消腫。其性微涼。孩子不得與食。令兒心寒。

桑葉乃手足陽明之藥。煎汁代茗。能止消渴。仙家以爲服食之品。

桑枝本四發有發散之義。故能利關節而除風寒濕痺。煎藥用桑柴卽此意也。可見藥性之微。雖隔鐺火氣。便與臟府相關。况形質之物。納之腸胃。其損益禍。

身要卷五  
福更何如哉。勞薪炊茶。茶味卽變。嘗以巴豆殼投炭  
火中飲其湯水。卽時大泄。抱朴子云。一切仙藥。不得  
桑煎。不服。厥有故也。

按東行根須土內者。若旁行出土者。有毒。殺人。白  
色者佳。色灰。味苦。不堪用。

凡肺氣熱盛。欬嗽而喘。面腫身熱者。瀉白散主之。  
桑皮焙一兩。地骨皮焙一兩。甘草炒五錢。每用一  
二錢。入粳米百粒。水煎。食後溫服。蓋桑皮地骨皮  
皆能瀉火。從小便出。甘草瀉火而緩中。粳米清肺。

而養血則瀉肺之準繩盡於此矣。

經霜桑葉研末米飲服止盜汗煎湯洗眼以治風淚。

風熱臂痛以桑枝一小升炒水三升煎二升一日服盡許叔微云常病臂痛諸藥不效服此數劑尋愈。

楮實

灌木之二

楮卽穀桑其皮可擣煮造紙亦可緝練爲布楮實濁陰下降宜入少陰有補益之功故本經載其能壯陰

痿助腰膝而堅筋骨。乃修真秘旨。則又云久服令人  
胃痿者何耶。豈以其降令太過。不宜久服。故水腫之  
症。又用其滲利也。

楮實子丸。治水氣蠱脹。以楮實子一斗。水二斗。熬  
膏。茯苓三兩。白丁香一兩半。爲末。和膏。丸。梧子大。  
服至小便清利。脹減。卽服。治中湯養之。又方用楮  
枝葉煎汁如飴。空腹服一七。日三服。治通身水腫。

枳殼

灌木之三  
合枳實

枳殼色白。味苦。專利肺氣。其體質大。則性寬緩。而達

下通利結氣而不致驟泄故主上焦以治氣分枳實  
色黃味大苦專泄胃實其體質中則性猛酷而速下  
開導堅結有推墻倒壁之功故主中脘以治血分其  
治血分者亦治血分中之氣也大抵二藥皆能利氣  
氣下則痰喘止氣行則痞脹消氣通則痛刺除氣利  
則後重解但大腸爲肺之腑故枳殼主之脾爲胃臟  
脾有積血故心下痞滿則枳實爲政也至二藥俱主  
風痒麻痺風痛者蓋肺主皮毛胃主肌肉風寒濕入  
於二經則皮膚瘙痒或作痛或麻木二藥俱有苦泄

辛散之功。兼能引諸風藥入於二臟。故爲治風所需。風邪既散。則關節自利。

蘇恭云。既稱枳實。須合核穰。故枳殼但云苦辛。而枳實則雷公又加酸也。

瘦胎飲用枳殼四兩。甘草二兩。爲末。每服二錢。白湯點服。自五月後。日進一服。至臨月。不惟易產。仍無胎中惡病。不知此方爲湖陽公主而設。以其奉養太過。其氣必實。故用此以耗其有餘之氣。則胎易產。若氣弱之人服之。反致無力。兼子亦氣弱。難



養所謂束胎易產者大爲誤人或胎前氣盛壅滯  
宜用枳殼蘇葉等物以順氣所謂胎前毋滯也若  
氣稟原弱者豈宜再加破氣之劑以益耗其氣耶  
大抵脹滿非實邪痰壅喘急之由於中氣不運咳  
嗽之因於陰虛火炎者二藥大宜禁之  
大便不通枳實皂莢等分爲末飯丸米飲下

梔子

灌木之四

梔子。薝蔔花所結實也。氣浮上行。味降下達。故從至高之分。使三焦之火屈曲下行。又兼清胃腕之血。及

痞塊中火邪又凡心痛久者遽用溫散恐其助火古方多用梔子以導熱藥則邪易伏而病自退其去心胸中熱者用梔子仁去肌表熱者連皮用

皮薄圓小七稜至九稜者佳其大而長入藥無力丹書云卮子柔金其入手太陰肺金爲確

仲景梔子豉湯治傷寒汗吐下後虛煩不得眠及心中懊懣者用梔子十四枚香豉四合水煎梔子色赤味苦入心而治煩香豉色黑味鹹入腎而治躁蓋胃中熱極亡血亡津腑臟無養内生煩躁非

此不除。

茵陳大黃湯治傷寒濕熱發黃腹脹用梔子十四枚茵陳三兩大黃三兩水一斗先煮茵陳減六升納二味煮取三升分三服小便當利如皂角汁。

梔子檄皮湯亦治發黃身熱用甘草黃檄梔子三味蓋發黃有濕燥之別如田禾遇亢旱則焦黃前方治濕黃此方治燥黃也。

又治心經留熱小便赤澀用去皮梔子火煨大黃連翹炙甘草等分爲末煎服三錢無不利。

丹溪治胃脘火痛。山梔七枚炒。水煎入生薑汁飲。立止。胃脘痛多作寒治而火痛不可不辨。

酸棗

灌木之五

酸棗本經並未言及仁。今但以酸棗仁生熟分用。大抵其子肉味酸。食之醒睡。其仁炒用則療不得眠。蓋熟則香氣入脾。故能歸脾。能補膽氣。故可溫膽。母子之氣相通。故亦主虛煩。且皮赤類心。亦入心也。虛汗盜汗。諸藥鮮效者。宜多用棗仁。醋炒。總取酸收之義。故凡肝膽脾三經有實邪熱者。不可用。蓋懼其收斂。

臨用略炒研碎勿使隔宿香氣走散少效元月蘇子等藥皆宜臨用炒研

蕤仁 灌木之六

蕤仁甘能養血溫能和血微寒涼血入心肝脾血藏繇於風熱者所必需藏器云蕤仁生治多眠熟治不眠大類棗仁

春雪膏治肝虛風熱上攻眼目昏暗痒痛隱澀赤腫羞明不能遠視迎風有淚多見黑花用蕤仁去皮壓去油二兩腦子二錢半研用生蜜六錢和收

點眼又百點膏治一切眼疾。麩仁去油三錢。甘草  
防風各六錢。黃連五錢。以三味熬取濃汁。次下麩  
仁和勻。日點取效。

去翳用撥雲膏。麩仁去皮油五分。青鹽一分。猪胰  
五錢。共搗如泥。確收點。又方。麩仁一兩。去油。白礪  
砂一錢。麝香二分。研勻。去翳神捷。

山茱萸 灌木之七

山茱萸味酸質潤。專入肝膽。滋陰益血。主治目昏耳  
鳴。口苦舌乾。面青色脫。汗出振寒。爲補肝助膽良品。

心爲肝子。心苦散。亂而喜收。斂斂則寧靜。靜則清和。以此收其渙散。治心氣虛弱。驚悸怔忡。卽虛則補母之義。腎爲肝母。腎喜潤惡燥。司藏精氣。藉此酸能收斂。斂水生津。治遺精白濁。陽道不興。小水無節。腰膝軟弱。腿足酸疼。卽子令母實之義也。其所宜禁者如命門火旺。強陽不痿。或陰虛血熱。或熱結膀胱。小水不利。則酸斂之味。豈容混施。卽用之。亦當與黃柏同加。此滋腎丸之所繇設也。

其核能滑精

金櫻子 灌木之八

金櫻子世多用之以止遺泄取其溫而瀉也。十劑云瀉可去脫。脾虛滑泄須瀉劑以固之。若泄瀉由於火熱暴注不相宜矣。膀胱虛寒則小便不禁。腎虛則精滑時從小便出。故用此氣溫味酸者收斂虛脫之氣。若二症因於陰虛火熾者豈宜用乎。

必待霜熟採用瀉味乃全。

金櫻子煎膏和芡實粉爲丸。名水陸丹。爲益氣補真之劑。以治虛泄精滑。



郁李仁 灌木之九

郁李仁性專降下。善導大腸燥結。利周身水氣。爲治標。搽亟之劑。故云蘿蔔子下結。血郁李仁下結。氣

宋史錢乙傳云。一乳婦因悸而病。旣愈。目張不得。瞑乙以煑郁李酒飲之。使醉卽愈。蓋目系內連肝。膽恐則氣結。膽橫不下。郁李仁去結。隨酒入膽。結去。膽下。則目能瞑矣。

女貞實

灌木之十  
附冬青

女貞木乃少陰之精。故冬不落葉。其實偏於陰寒。當

雜脾胃藥及椒紅溫煖之類同施。不則恐有腹痛作泄之患。今人用以爲變白多效者。應是甘寒涼血益血之功。氣薄味厚。入足少陰經。足少陰爲藏精之臟。人身之根本。虛則五臟雖無病而亦不安。百疾叢生矣。經云。精不足者補之以味。蓋腎本寒。虛則熱。女貞子氣味俱陰。能入腎除熱。使腎氣安而精自足。

冬青乃女貞別種。葉微圓而子赤。女貞子黑葉長冬青浸酒。亦能去風虛。補益肌皮。

南燭枝葉

灌木之十一

南燭卽烏飯草也。其種是木而似草。味帶澆而氣本涼。入心脾腎三經。心主血。髮者血之餘。顏色者血之華。血熱則鬢髮早白。顏色枯槁。脾弱則嗜臥困倦。氣力不長。腎弱則筋骨軟弱。行步不前。蓋凡變白之藥。多是氣味苦寒。有妨脾胃。惟南燭氣味和平。兼能益脾。滋腎。爲脩真家要藥。

五加皮

灌木之十二

五加以一枝五葉交加。故名五加。亦名文章草。草在天。爲五車星之精。在地得火。金之味。入肝腎二經。有

風逐濕之能釀酒作劑治風痺四肢攣急王綸云風病飲酒能生痰火惟五加浸酒乃爲無弊凡小兒腳軟男子陰痿服之能益精髓而堅筋骨蓋肝腎居下而主筋骨風寒濕之邪二經先受五加辛能散風溫能除寒苦能燥濕以瀉爲補故諸症自瘳

七月采莖十月采根剝皮陰乾葉作蔬食亦去皮  
膚風熱今人取初生嫩葉泡炙以作佐酒代茶之  
供亦混稱五加皮

枸杞子

灌木之十三  
合地骨皮

枸杞子體潤能滋腎家之陰味甘能助腎家之陽故爲平補之劑人參枸杞每相須爲用蓋人參固氣令精不遺枸杞滋陰令火不洩慎齋先生謂枸杞能升陽職此故也火不洩則陽道常強矣

地骨皮能退骨間伏火故除有汗骨蒸然皮走表分又能祛無定之虛邪化義云牡丹皮去血中之熱地骨皮去氣中之熱別宜用之但虛寒者宜忌卽枸杞子亦不宜於脾胃薄弱而時時泄瀉者懼其有潤腸之患也

地骨皮湯治膀胱移熱於小腸上爲口糜心胃瘞  
熱水穀不化地骨皮柴胡各三錢水煎服

蔓荆子 灌木之十四

蔓荆子本草止言入太陽經他本又云兼足厥陰蓋  
足太陽之脉夾脊循項而絡於腦目爲厥陰開竅之  
位邪傷二經則頭痛腦鳴目淚出此藥辛溫入二臟  
而散風寒濕之邪故頭而風虛者主之好古云蔓荆  
子搜邪風止目睛內痛

偏頭風用蔓荆子甘菊花荆芥酒炒黃芩烏梅芽

茶白蒺藜川芎羌活黑豆土茯苓煎時先以鼻嗅其氣。

紫荆皮

灌本之十五

紫荆皮稟性清寒氣平味苦花木皆紫紫入血分故有活血破血消腫之功花梗同。

冲和膏治諸腫毒之陰陽不和冷熱不明者紫荆皮炒獨活去節炒各三兩赤芍炒二兩白芷石菖蒲各一兩葱湯或熱酒調服或作調敷痛甚加乳香筋不伸亦加蓋癰疽流注皆氣血流注所成選

溫則散遇涼則凝。此方溫平。紫荆皮能破氣逐血。消腫獨活動蕩凝滯引拔骨中冷痛。赤芍生血活血散瘀止痛。菖蒲消腫散血。同獨活能破石腫堅硬。白芷去風定痛。此方散風行氣活血消腫祛冷軟堅流毒骨癰冷症尤爲良劑。

木槿 灌木之十六

木槿一名舜。詩云顏如舜華。言其朝榮暮落。一瞬間耳。其皮及花大能潤燥活血。而人罕用之。惟治癰用。槿皮而以川產肉厚色紫者爲最。



芙蓉葉

灌木之十七

木芙蓉涼血散熱。瘡瘍家用之。

清涼膏用芙蓉葉或根皮或花或生研或乾研末。蜜調圍一切腫毒初起已成潰後俱可用或加生赤小豆末更效。

密蒙花

灌木之十八

密蒙花獨入肝經爲滌熱和營之用。故眼科擅長。凡肝血虛而爲青盲翳障。肝熱甚而爲赤腫眵淚赤脈及小兒痘瘡餘毒疔氣攻眼。則此藥甘寒之品。虛實

大小無不咸宜。

右灌木一十八種

茯苓

寓木之

兼赤白合茯苓

茯苓爲松之靈液結成。史記及仙經皆名茯苓。靈其味甘淡甘補淡滲。用補脾陰。故小便利。或數者不宜多服。汗多不宜服。爲其淡滲也。然淡爲天之陽。陽當上行。何以利水而瀉下。蓋以氣薄爲陽中之陰。陰主利下。不離陽體。故入手太陽。其爲陽浮而升者。性也。其爲陽中之陰降而下者。言其功也。經云飲食入胃游。

溢精氣上輸於肺。通調水道。下輸膀胱。以此推之。卽  
淡滲之味。亦必先上行而後下降。所謂益肺於上源。  
補脾於中部。令脾肺之氣。從上順下。以輸膀胱也。至  
有宜用不宜用者。如肺氣盛。定熱。氣壯脉強。宜用甘  
淡以滲其熱。若肺虛心虛。胞熱厥陰病者。皆虛熱也。  
其人上熱下寒。脉虛而弱。當用升陽之劑。以升水降  
火。膀胱不約。下焦虛者。迺水泉不藏。脫陽之症。其人  
必肢冷脉遲。當用溫熱之品。峻補其下。交濟坎離。此  
二症者。豈淡滲所宜。至若痘瘡起脹。恐滲洩不能

漿尤所禁用。其赤茯苓淡赤微黃。不堪入肺。若助濕行濕。與白同功。因松種不一。故分赤白。原無白補赤瀉之分。

茯神生於枯松根下。因無枝葉。上升津氣。向下抱根。附結。非若茯苓之各自成塊也。以此溫養心神。能中守而不移。潔古云。風眩心虛。非茯神不除。

茯苓赤筋。須搗細水中攪去之。令人瞳子并黑睛。點小兼盲目。凡服茯苓。須忌米醋酸物。

威喜凡治男子元陽虛憊。精氣不固。小便下濁。餘

瀝常流夢寐多驚頻頻遺洩婦人白淫白帶並治  
之白茯苓去皮四兩作匱以猪苓四五錢入內煮  
二十餘沸取出晒乾揀去猪苓爲末化黃占和丸  
彈子大每嚼一九空心津下以小便清爲度茯苓  
千萬歲上生小木如蓮花狀各木威喜芝夜視有  
光燒之不焦帶之辟兵服之長生丸各取此然據  
前論若元氣怯弱甚者雖有前症亦宜酌用

琥珀 寓木之二

琥珀定魄消瘀故能辟百邪安五臟破結寢治產後

血枕其能清肺者肺藏魄也利小腸者以其爲茯苓  
之同屬且魄有下注之義也夫松之有脂猶人之有  
血與水是本爲血所凝而味主辛散故能化血然得  
土既久亦宜入脾蓋茯苓琥珀皆松脂所化但茯苓  
茯神迺大松摧折或斫伐而根癢不朽津液下流結  
成故治心腎通津液若琥珀乃松樹枝節榮茂時爲  
炎日所灼流脂出樹身外日漸厚大因墮土中津潤  
歲久爲土所滲洩而光瑩之體獨存今可拾芥尚有  
粘性其蟲蟻之類乃未入土時所粘者二物皆自松

出而所稟各異。茯苓生於陰而成於陽。琥珀生於陽而成於陰。其治營安心而利水則一也。

猪苓 寓木之三

猪苓亦木之餘氣所結。他木皆有而楓木爲多。味淡主滲氣升而又能降。故能開腠理利小便。與茯苓同功。五苓散以猪苓理上焦。茯苓理中焦。澤瀉理下焦。各有部分。又苓者令也。有分截之義。王損菴治瘧疾陰陽上下交爭寒熱更作。以升柴等升陰中之陽。以知苓等降陽中之陰。特加猪苓。人所未曉。而本經亦

云。猪苓。治。痰。瘧。人。苦。不。讀。書。耳。

雷丸 寓木之四

雷丸乃竹之餘氣所結。故亦名竹苓。纍纍出土中。無有苗蔓。皆零無相連者。味苦氣寒。苦能燥脾。寒能除熱。蟲以濕熱爲巢穴。濕熱去而蟲殺矣。故爲疳積所需。以其過於苦寒。故多食能痿陽道。

白者善。赤色者殺人。

桑寄生 寓木之五

桑寄生。益血其本能也。去濕其兼長也。真者下咽必



驗市人多以他木寄生者。不惟無功。往往致害。諸說多端。大抵折其莖有淡黃色者爲真。近海州邑及海外之境。其地煖而不蠶。桑無採捋之苦。得氣厚而生意濃。自然生出。何嘗節間可容他子。耶高者二三尺。葉圓微尖。厚而柔。面青而光澤。背淡紫有茸。此須自採。或連桑木者乃可信。不然。姑缺之。

用須陰乾。不得見火。

右寓木五種

竹葉

苞木之一  
合竹茹竹瀝

竹以淡竹爲上。甘竹次之。苦竹不可用。嘗其笋可辨其葉之用有二。除新久風邪之煩熱。止喘促氣勝之上衝。茹與葉雖一本。而茹得土氣多。故入足陽明。疏氣逆而蠲邪熱。以療嘔呃等症。溫膽湯用之。以引膽火下行。瀝則假火而成。謂之火泉。體滑利竅。滲灌經絡。爲搜解熱痰之聖藥。令胸中膈上四肢百脉皮裏膜外靡不周到。以清風火燥熱之痰。又必佐以薑汁之辛竄而豁痰之功更倍。乃若寒痰濕痰胃虛腸滑者。自不宜再進寒滑慎之。

天竺黃 苞木之二

竺黃之寒。專瀉少陰之火。火去而驚邪諸症靡不療矣。產天竺國。卽竹節內黃粉。然多僞者。須辨其片片如竹節者真。其氣味功用與竹瀝同。而無寒滑之患。故爲小兒家要藥。

右苞木二種 雜木無載